

# Ժողովուրդ

127  
(2793)

12 սեպտեմբերի երեքշաբթի 2023  
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

## ՀՐԱԺԱՐՎԵԼ Է ԶՊ-Ի ՀԵՏ ՀԱՄԱԳՈՐԾԱԿՑԵԼ



ՀՀ բարձրագույն դատական խորհրդի նախագահ Կարեն Անդրեասյանը եւ Նրա ընկեր, արդարադատության նախարար Գրիգոր Մինասյանը քաղաքական հաշվեհարդար են տեսնում դատավորների հետ: ԶՊ-ի հետ չհամագործակցելու համար քաղաքապետի թեկնածուներից մեկի փեսային փաստացի ստիպել են ազատման դիմում գրել: «Ժողովուրդ» օրաթերթի տեղեկություններով՝ օրերս Կարեն Անդրեասյանը եւ Գրիգոր Մինասյանը փաստացի (ճնշման տարբեր օղակներ գործի դնելով) ստիպել են Երևան քաղաքի ընդհանուր իրավասության դատարանի դատավոր Ռուբեն Ներսիսյանին, որպեսզի աշխատանքից ազատման դիմում գրի կամավոր: Պատճառը Երևանի ավագանու ընտրությունների մասնակից, «Հաղթանակ» կուսակցության քաղաքապետի թեկնածու Վիկտոր Մաացականյանն է: Պարզվում է՝ այս ընթացքում իշխող «Քաղաքացիական պայմանագիր» կուսակցությունը տարբեր օղակներով փորձում է հնարավոր թեկնածուների հետ հանդիպել, խոստումներ ստանալ, թե ընտրություններից հետո արդյոք պատրաստվում են ԶՊ-ի հետ կոալիցիա-դաշինք ձևավորել եւ քաղաքապետ ընտրել ԶՊ թեկնածուին: Վիկտոր Մաացականյանը քանի որ կտրուկ մեծել է համագործակցությունը ԶՊ-ի հետ, Նրա փեսային՝ դատավոր Ռուբեն Ներսիսյանին, ստիպել են ԲԴԽ-ից ազատման դիմում գրել հեռանալ: «Ժողովուրդ» օրաթերթի տեղեկություններով՝ դատավորի ազատման դիմում արդեն ԲԴԽ-ում է: Իհարկե, փորձեցինք այս տեղեկությունը ճշտել երկու կողմերից. դատավոր Ռուբեն Ներսիսյանը երեկ ողջ օրն այդպես էլ չպատասխանեց մեր հեռախոսազանգերին, իսկ ԲԴԽ նախագահ Կարեն Անդրեասյանն իր խոսակի միջոցով փոխանցեց. «Բացառիկ հորինվածքներն ու բամբասանքները զվարճալի կլինի մեկնաբանել»:

Երևանի նախկին քաղաքապետ Հայկ Մարությանը, որ բակ առ բակ ընկած քարոզչություն է իրականացնում հավակնելով կրկին դառնալ համայն հայության մայրաքաղաքի ղեկավարը, թերեւս մոռացել է իր աշխատանքը: «Ժողովուրդ» օրաթերթը շատ է գրել այն մասին, որ Հայկ Մարությանն ամենաանպատասխանատու քաղաքապետներից է եղել, քանի որ ամենաշատն է բացակայել աշխատանքից, արձակուրդում ամենաշատը եղած պաշտոնյան է եղել: Իհարկե, Կորունավարակի օրերին հեռավար աշխատանքը դարձել էր սովորական երեւոյթ, բայց Մարությանը մինչ այդ վարակը եւ դրանից հետո շատ հաճախ է հեռակառավարել կամ բարձրորդի վիճակում թողել քաղաքապետարանը: Հայկ Մարությանը պարբերաբար եղել է Չեխիայում: Եւ դեռ այդ օրերին քաղաքապետարանի աշխատակիցները դժգոհում էին, որ որեւէ թույլ ստորագրելու համար օրերով հերթազարկում են քաղաքապետի մոտ ընդունելության: Հիմա, կարծես թե, Հայկ Մարությանի հավեսը տեղն է եկել, նորից ուզում է քաղաքապետ դառնալ, սակայն պարզ չէ, թե քանի օր նա նույն ինտենսիվությամբ աշխատանքի կգնա:



«Ժողովուրդ» օրաթերթին հասած տեղեկությունների համաձայն՝ Պետական պահպանության ծառայության պետ Սարգիս Հովհաննիսյանի ազատումը բավականին խորը արմատներ ունի: Սարգիս Հովհաննիսյանի աշխատանքից Նիկոլ Փաշինյանը տեսական ժամանակ դժգոհություններ է ունեցել, եւ ներքին քննարկում է եղել նրան փոխարինող գտնելու վերաբերյալ: Մեզ հասած տեղեկությունների համաձայն՝ Նիկոլ Փաշինյանը կասկածներ է ունեցել, որ Հովհաննիսյանի կողմից իր ընտանիքի, կնոջ մասով արտահոսք է եղել, որից հետո որոշել են կոնկրետ քայլերի գնալ: Մասնավորապես, Աննա Հակոբյանի անվտանգության պետ Արթուր Գասպարյանը սկսել է ակտիվալա ՊՊԾ-ում, ու Հովհաննիսյանի շուրջ օղակը սկսել է սեղմվել: ՊՊԾ-ում մթնոլորտը թեժացել է, եւ Սարգիս Հովհաննիսյանին աշխատանքից ազատելու պահը հասունացել է սեպտեմբերի 9-ին՝ «Դվին» մյուզիք հոլ»-ի բալում հնչած հրավառության պայթյուններից հետո: Ըստ լուրերի՝ վարչապետ Նիկոլ Փաշինյանը եւս վախեցել է հրավառության պայթյունի նմանվող ծայրերից, քանի որ «Դվին»-ը գտնվում է կառավարական ամառանոցի հարեանությամբ: Երբ Նիկոլ Փաշինյանն իր անմիջական անվտանգության պատասխանատու Սարգիս Հովհաննիսյանից հետաքրքրվել է, թե ինչ ծայրեր են, ով է հրավառության կազմակերպիչը, արդյոք ունի թույլտվություն, թե ոչ, Սարգիս Հովհաննիսյանը զեկուցել է, որ թույլտվություն ունեցել է ախալքալաքի էդգարը, որը հարսանիքի առիթով պատվիրել է թանկարժեք հրավառությունը: Երբ ՀՀ ոստիկանապետից Նիկոլ Փաշինյանը բարկացած հետաքրքրվել է, թե ով է թույլ տվել այդ ժամին նման հրավառություն կազմակերպել, զեկուցվել է, թե թույլտվություն չեն ունեցել կազմակերպիչները, ինչի համար ՀՀ ներքին գործերի նախարարությունը «Գոլը Ֆայեր» ՍՊԸ ընկերությանը տուգանել է 100 հազար դրամով: Ստացվում է, որ Սարգիս Հովհաննիսյանը խաբել է Նիկոլ Փաշինյանին: Իրականում «Դվին» հյուրանոցի թիկնապահը գանգահարել է հրավառության համար բանավոր թույլտվություն ստացել է ՊՊԾ-ից: Հիշեցնենք, որ սեպտեմբերի 9-ին, վարչապետ Փաշինյանի որոշմամբ, Սարգիս Հովհաննիսյանը զիջեցրվել է ազատվել է ՀՀ պետական պահպանության ծառայության պետի պաշտոնից: Գեներալ-մայորն այդ պաշտոնում Նշանակվել էր մոտ չորս ամիս առաջ՝ ապրիլին: Մինչ այդ՝ 2020 թվականի դեկտեմբերից, Սարգիս Հովհաննիսյանը ԱԱԾ պետական պահպանության ծառայության պետն էր: Հավելենք, որ իրավապահ համակարգում ակտիվ քննարկվում է, որ Սարգիս Հովհաննիսյանին առանց պաշտոն չեն թողնի, քանի որ նա ահռելի ծավալի տեղեկության է տիրապետում:



«Ժողովուրդ» օրաթերթի տեղեկությունների համաձայն՝ ՀՀ արդարադատության նախարարության ելթակայության տակ գտնվող Քրեակատարողական ծառայության պետերին արդեն գործադիրից հասկացրել են, որ Քրեակատարողական ծառայության նոր պետ նշանակելուց հետո բանտապետերի փոփոխություններ էլ են լինելու, հետեւաբար պետք է պատրաստ լինել հնարավոր ազատումներին կամ տեղափոխություններին: Ասել է թե՛ գրեթե բոլոր բանտապետերի գլխին սեւ ամպեր են կուտակվել: Իսկ թե երբ կնշանակվի ԶԿ ծառայության ղեկավար, եւ ով կնշանակվի, մեծ հարց է, քանի որ համապատասխան կարգ դեռ չի գտել Նիկոլ Փաշինյանը:



# ՀՐԱԶ ՀԱՆՈՒՅՄԱՆ ԸՆՏՐԱԽԱՅՈՒՄՆԵՐԻ ՄԱՍԻՆ

**Պիսոռի մարմինները դարբերաբար ահազանգեր են հնչեցնում, որ իբրև «Քաղաքացիական պայմանագիր» կուսակցության՝ ավագանու ընտրությունների քաղաքացիական վարչական մեծ ռեսուրսի կիրառմամբ եւ բազմաթիվ խախտումներով է ընթանում:**

«Ժողովուրդ» օրաթերթի հետ զրույցում ՔՊ խմբակցության պատգամավոր Հրաչ Հակոբյանը պնդում է, թե բացառում են խախտումները, իսկ նրանք, ովքեր քարոզարշավին «մարդ բերելու» հրահանգ կատարեցին, թող դիմեն ՔՊ-ի նախընտրական շտաբ:

«Այդ ամենը մեկնաբանել է «Քաղաքացիական պայմանագիր» կուսակցության նախընտրական շտաբը, հորդորել են բոլոր այն քաղաքացիներին, որոնք նման հրահանգ կամ ուղղորդվածություն կատարեցին, դիմեն «Քաղաքացիական պայմանագիր» կուսակցության շտաբին: Մենք բացառում ենք, չենք ընդունում, մերժում ենք նման դեպքերը: Մեզ համար անընդունելի է նման գործելաոճը՝ մարդկանց բերել հանրահավաքների, նրանց դրդել ինչ-որ բան անել եւ այլն:

«Չնայած նախընտրական շտաբը հերքում է, սակայն համացանցում տարածվում են տեղեկություններ, որ մի քանի օր առաջ մանկապարտեզի տնօրենը հարձակվել էր դիտորդի վրա, նրա բեյքը խլել էր եւ այլն, այսինքն՝ նման դեպքեր, այնուամենայնիվ, լինում են: Սա ինչ էլ այդ դեպքում:

«Նման արարքները, առհասարակ, դատապարտելի են, որեւէ մեկի հանդեպ կատարված ոտնձգությունը, իհարկե, դատապարտելի է. դա չի քննարկում: Իսկ Ձեր նախորդ հարցի հետ կապված՝ կարող եմ ասել, որ, բնականաբար, չեմ բացառում, որ տեղի ունեցած լինի «արջի ծառայության» մատուցում: Յարավոր է, որ լինեն այնպիսի մարդիկ, որ փորձեն իրենց նախաձեռնությամբ, օրինակ, հաճոյանալ «Քաղաքացիական պայմանագիր» կուսակցությանը, շտաբին եւ փորձեն շատ մարդ ապահովելու համար գնան եւ այդպիսի քայլերի դիմեն, բայց նախընտրական մեր կենտրոնական շտաբը դիմել է օրինապահ մարմիններին, որպեսզի ուսումնասիրեն այդ տեսագրությունը: Բնականաբար, բոլոր այն մարդիկ, որոնք հանցանք կամ զանցանք են գործել, պետք է պատժվեն:



«Պարոն Հակոբյան, օրերս նախարար Անահիտ Ավանեսյանը եւ իր տեղակալը մասնակցում էին քարոզարշավին. սրան Դուք ինչպե՞ս եք վերաբերվում: Նախարարը, հերիք չէ, մասնակցում է, դեռ մի բան էլ իր օգնականին է բերում քարոզարշավի:

«Անահիտ Ավանեսյանը «Քաղաքացիական պայմանագիր» կուսակցության անդամ է, մեր կուսակցությունով ենք մասնակցում քարոզարշավին, եւ էլ պատգամավոր եմ, եւ ես էլ ինքս մասնակցում եմ քարոզարշավին: Ինչո՞ւ Ձեզ համար կասկածելի չէ իմ մասնակցելը, բայց Անահիտ Ավանեսյանի մասնակցելը կասկածելի է: Իր տեղակալն էլ է «Քաղաքացիական պայմանագիր» կուսակցության անդամ, եւ մենք քարոզարշավն անցկացնում ենք մեր կուսակցությունում եւ պատասխանատվությունը կրում ենք մեր թիմով: Սա թիմային աշխատանք է:

«Քաղաքացիական պայմանագիր» կուսակցության հանրահավաքներին բերելու պարտադրանքի մասին վկայող նյութերով: «Ականատես» դիտորդական առաքելությունն էլ հայտարարել է, որ իրենց դիտորդների կողմից նմանատիպ այլ դեպքերի պարբերաբար արձանագրումը վկայում են իշխող ուժի կողմից վարչական լծակների լայնածավալ եւ համակարգային չարաշահման մասին: «Այս գործելաոճն ամբողջովին խեղաթյուրում է ընտրական արդար եւ հավասար մրցակցային պայքարը, ինչպես նաեւ անթույլատրելիորեն խոչընդոտում ընտրողների ազատ կամքի իրացումը: Ավելին՝ արձանագրված դեպքը առեւտույթ կարող է պարունակել 33 քրեական օրենսգրքի 211-րդ կամ 236-րդ հոդվածով նախատեսված հանցակազմերի հատկանիշներ»,- հայտարարել է կազմակերպությունը: «Անկախ դիտորդ» դաշինքը պահանջում է 33 գլխավոր դատախազ Աննա Վարդապետյանից կատարել լայնածավալ օպերատիվ հետախուզական միջոցառումներ՝ եղելությունը ամբողջությամբ բացահայտելու համար: «Ժողովուրդ» օրաթերթը երեկ 33 գլխավոր դատախազության հանրային կապերի բաժնից հետաքրքրվեց, թե ինչ է արվել դատախազության կողմից ստացված դիմումի հետ: Պաշտոնապես հայտնեցին, որ «նյութերն ուղարկվել են ոստիկանությանը՝ ստուգողական գործողություններ իրականացնելու համար»: Իհարկե, հասկանալի է, թե ինչ ավարտ կունենա այս գործը՝ հաշվի առնելով, թե ով է 33 գլխավոր դատախազը կամ ոստիկանությունն ընդհանրապես: Այս իրավիճակում մի հարց է մնում չպարզաբանված. եթե ՔՊ-ի՝ նկարած պաշկներով շերտ հողովակների բոլոր մարդիկ բերված են, այդ դեպքում որտե՞ր են ՔՊ-ի ընտրողները: Գուցե չկան, եւ ԿԸԶ նախագահ Վահագն Չովակիմյանն էլ պետք է իր բաժին նկարչությամբ զբաղվի:

**Զրույցը քրիստիան ԳՐԻԳՈՐՅԱՆԸ**

## ԿԱՐԵՎՈՐ

# ԱԶԳԱՅԻՆ ԺՈՂՈՎՈՒՄ ԹԵՇ Է

**«Խնդրում եմ տեղեկացնեմ՝ վերջին 5 տարիների ընթացքում ծառայողական մեթոդների թվի փոփոխության ինչ միտում եմ արձանագրել Հայաստանում»,- սեպտեմբերի 11-ին ԱԺ-ում ՏԿԵ ճախարարի տեղակալ Արմեն Սիմոնյանին հարց ուղղեց «Հայաստան» խմբակցության դատաւար Արթուր Խաչատրյանը:**

Պատգամավորը պարզաբանեց, որ ցանկանում է իմանալ, թե 2018 թվականի եւ 2022 թվականի դեկտեմբերի 31-ի դրությամբ քանի ծառայողական մեթոդներ է եղել Հայաստանում:

«Ժողովուրդ» օրաթերթի փոխանցմամբ՝ փոխնախարարը հայտնեց, որ այդ թվերն առկա են կառավարության համապատասխան որոշումներում:

«Կարելի է բացել եւ նայել: Հիմա այս ամբողջ օրենքի նախագծի իմաստը հետեյալում է, որ լիազորողը նոր սահմանվի, որպեսզի կառավարությունը կարողանա միասնական որոշմամբ այդ չափորոշիչները սահմանել: Եթե հստակ, կոնկրետ թիվ եք ուզում, այս պահին չեմ կարող ասել, բայց եթե կառավարության համապատասխան որոշումը բացեք, կկարողանաք ծանոթանալ թվերին»,- պատասխանեց Արմեն Սիմոնյանը:

Արթուր Խաչատրյանն արձագանքեց. «Պարոն Սիմոնյան, թե ինչ կարող եմ ասել, հավատացնում եմ Ձեզ, որ բավականին լավ գիտեմ»:

Փոխնախարարն ընդհատեց՝ ասելով. «Ես հուշում եմ ուղղակի»:

«Հուշելը պահե՛ք ձեզ. Դուք այստեղ ԱԺ-ում եք գտնվում, ոչ թե KBH-ում: Պարոն Արշակյան, խնդրում եմ, զեկուցողին ասե՛ք՝ մի քիչ հարգանք դրսեւորի»,- հայտարարեց Խաչատրյանը:

Նշենք նաեւ, որ նիստը վարող Հակոբ Արշակյանն էլ ասաց, որ իրեն չպետք է ասեն, թե ինքը ինչ անի:

«Ուրեմն Ձեր ներկայացուցիչն է, իրեն ասեք, որ ինձ չասի, թե ես ինչ անեմ: Ես խնդրում եմ, առաջինից երկրորդ ընթերցում այդ թվերը բացե՛ք եւ ներկայացուցե՛ք»,- հայտարարեց ընդդիմադիր պատգամավորը:



ԻՐԱՎԱԿԱՆ

ՄԱՆՐԱՄԱՆՆԵՐ

ՄԱՐՄԱՓԵԼԻ ՀՐԱՎԱՌՈՒԹՅԱՆ ՀԵՂԻՆԱԿՆԵՐԸ

Սեպտեմբերի 9-ի գիշերը Երևանի կենտրոնում դայթաձ գերթանկարժեք հրավառությունը, որ ահաբեկել էր Երևանի բնակիչներին, անհետևանք չի մնացել: Իսկ ո՞վ էր դրա կազմակերպիչն ու դասասխանանուն:

«Ժողովուրդ» օրաթերթին հայտնի դարձավ, որ հրավառությունն իրականացրել է «Գոլդ ֆայեր» ՍՊԸ-ն, որի կազմակերպիչներին հենց այդ երեկոյան հրավառել են ոստիկանությունն եւ ենթարկել վարչական պատասխանատվության: «Ժողովուրդ» օրաթերթին հայտնի դարձավ, որ ընկերությանը տուգանել են ընդամենը 100 հազար ՀՀ դրամով: Իսկ ինչո՞ւ է միայն տուգանվել հրավառություն իրականացրած ընկերությունը, ինչո՞ւ հրավառապահները սահմանափակվեցին միայն հրավառություն իրականացրած ընկերությանը 100.000 դրամ տուգանելով:

«Դվին» հյուրանոցի սեփականատեր Արտակ Թովմասյանը, որի սեփական տարածքում հնչեցին «պայթյունները», պատասխանատվության չենթարկվեց բնակիչներին ահաբեկելու համար:

Հիշեցնենք, որ սեպտեմբերի 9-ին՝ երեկոյան ժամը 22:30-ի սահմաններում, Երևան քաղաքում ապրող բնակիչները սարսափի մեջ էին: Բանն այն է, որ սահմանափակ իրավիճակով լարված Երևանի կենտրոնում, մի կողմից, Coca Cola Fest-ն էր, մյուս կողմից՝ Dvin Music Hall-ի երկնքում պայթեց ամենաճոխ եւ թանկարժեք հրավառությունը:

Նշենք, որ դեռ հունիս ամսին ՔՊ պատգամավոր Սիսակ Գաբրիելյանը առաջարկել էր կանոնակարգել հրագործական նյութերի արտադրությունը, ներմուծումն ու առևտրի իրականացման ոլորտը: Այսինքն՝ եթե հրավառություն է Հայաստանում, ուրեմն դա պետք է լինի պետական կամ համայնքային նշանակության տոն օրերին՝ պետության կամ համայնքի մասնակցությամբ կարելու միջոցառումների ժամանակ:



Սիսակ Գաբրիելյանը հայտարարել էր. «Հարսանիքներում այլևս հրավառություն չի լինելու. մենք փաստացի այնպես ենք անում, որ մարդիկ չկարողանան գնել հրավառություն»:

Ստացվում է, որ ՔՊ-ական պատգամավորի առաջարկն ու հայտարարությունը ոչինչ է. հրավառությունները կային եւ կան

նաեւ այսօր: ՔՊ-ն անկարող է իշխանավարել:

Նշենք նաեւ, որ, ըստ մամուլում հրապարակված լուրերի, «Դվին»-ում հարսանեկան արարողություն իրականացրել են ռուսաստանաբնակ հայեր՝ ծնունդով Ախալքալաքից եւ Մարտունուց: Ամուսնացել է ախալքալաքցի էդգար Վահրայանը: Երգել են «Հայաթ Փրոջեքթ»-ը, Արկադի Դումիլյանը, Անաստասիա Բրուխտին: Հյուրերի շարքում եղել է նաեւ երգիչ Ռազմիկ Ամյանը:

Ք.ՍԱՆՈՒԿՅԱՆ

ՈՒՇԱԳՐԱՎ

ԽՄԲԱԿԱՅԻՆ ԾԵԾ

«Ժողովուրդ» օրաթերթին հայտնի դարձավ, որ ուշագրավ դեպք է տեղի ունեցել Էջմիածին քաղաքի համար 1 սուպերմարկետի հարակից տարածքում: «Ժողովուրդ» օրաթերթին հասած տեղեկությունների համաձայն՝ վիճաբանություն է եղել նույն քաղաքի բնակիչների միջև, որի ընթացքում տղամարդիկ հարվածներ են հասցրել միմյանց, ինչի ընթացքում նրանցից մեկը՝ 2004 թվականին ծնված երիտասարդը, դանակով հարվածել է մյուսին, ինչի հետևանքով վիճաբանողներից երկուսը ստացել են տարբեր մարմնական վնասվածքներ:

Բնակիչները ահազանգել են իրավապահներին, ու դեպքի վայր են շտապել շտապօգնության աշխատակիցները եւ երկու անձի տեղափոխել են Վաշարշապատի հիվանդանոց: Մեզ հայտնի դարձավ, որ դանակահարված տղամարդկանցից մեկի կյանքին վտանգ չի սպառնում, իսկ մյուսի վիճակը ծանր է: Իսկ ի՞նչն է եղել դանակահարության պատճառը: Ըստ «Ժողովուրդ» օրաթերթին հասած տեղեկությունների՝ վիճաբանողները ծանոթներ են եղել, կատակներ են արել միմյանց հասցեին, որոնցից մեկին կատակը դուր չի եկել, հնչել է հայիոյանք, ինչից հետո ծեծել ու դանակահարել են միմյանց:

ՉԻ ՄԱՍՆԱԿՑԵԼ ՀԱՎԱՔՆԵՐԻՆ

«Ժողովուրդ» օրաթերթին հայտնի դարձավ, որ Սերգո Մաշակարյանին մեղադրանք է առաջարկվել այն բանի համար, որ նա, հանդիսանալով պահեստազորի առաջին խմբի առաջին կարգում հաշվառված շարքային կազմի պահեստազորային, պարտավոր լինելով մասնակցել Հայաստանի Հանրապետության կառավարության՝ 02.02.2023 թվականի թիվ 122-Ն որոշմամբ հայտատարված՝ 2023 թվականի ապրիլի 11-ից մինչև մայիսի 5-ն անցկացվող 25-օրյա վարժական հավաքին, Լոռու մարզի տարածքային ստորաբաժանման Սպիտակի բաժանմունքի կողմից 04.03.2023 թվականին պատշաճ ծանուցված լինելով տարածքային ստորաբաժանում ներկայանալու մասին, վարժական հավաքներին մասնակցելու համար չի ներկայացել Լոռու մարզի տարածքային ստորաբաժանում եւ չի մեկնել վարժական հավաքի:

Ք.ՍԱՆՈՒԿՅԱՆ

ՀՐԱՎԻՐՎԵՑ ԱԱԾ

Սեպտեմբերի 11-ին Ազգային-ժողովրդավարական բեւեռի խորհրդի անդամ Ժիրայր Սէֆիլյանը՝ որպես վկա, հարցաքննության է ծանուցվել ԱԱԾ քննչական դեպարտամենտ:


Ազգային-ժողովրդավարական բեւեռի մամուլի ծառայությունից հայտնում են՝ հարցաքննության առիթը եղել է Ժ. Սէֆիլյանի այն հայտարարությունը, որ առկա են լուրեր՝ Հայաստանում վազներականների գտնվելու եւ ազգային անվտանգության համար սպառնալիք լինելու մասին:

Ք.ՍԱՆՈՒԿՅԱՆ

ԳԱՐՏՆԱԼՍՈՒՄ

ԳԱՐՏՆԱԼՍՄԱՆ ԳՈՐԾԸ՝ 5 ՏԱՐԻ ԱՆՑ

Ինչդեռ հայտնի է, ՀՀ բնիչական կոմիտեի հասկադեա կարտո գործերի բնույթայն գլխավոր վարչությունում վերսկսվել է Նիկոլ Փաշինյանի, Արթուր Վանեցյանի եւ Սասուն Խաչատրյանի հեռախոսային խոսակցություններն աղբյուրի ձայնագրելու եւ համացանցում սարածելու դեպքի առթիվ հարուցված քննչական գործով քննությունը: «Ժողովուրդ» օրաթերթը գրել էր, որ նախկինում բնիչները չբացահայտված քննչական գործերը կասեցնում էին. հիմա ամեն ինչ այլ է:



գաղտնալսման գործը, որը հետագայում կարճվեց՝ հանցակազմի բացակայության հիմքով, իսկ վարչապետ Նիկոլ Փաշինյանի, Արթուր Վանեցյանի եւ Սասուն Խաչատրյանի հեռախոսային խոսակցություններն ապօրինի ծանցագրելու եւ համացանցում տարածելու դեպքի առթիվ հարուցված քննչական գործը կասեցված էր: Այժմ կվերսկսվի այս մասով քննությունը: Թե ինչ ավարտ կունենա, թերեւս դժվար է կանխատեսել:

Նկատենք, որ սկանդալային գաղտնալսման ծայնագրությունից անցել է 5 տարի. ինչ ունենք ԱԱԾ նախկին տնօրենի, ՀՀԾ պետի եւ ՀՀ վարչապետ Նիկոլ Փաշինյանի գաղտնալսման դեպքով ՀՀ քննչական կոմիտեում քննվող քննչական գործով:

«Ժողովուրդ» օրաթերթը տեղեկացավ, որ 5 տարվա ընթացքում նշանակվել են բազմաթիվ փոքրաքննություններ, իրականացվել են օպերատիվ-հետախուզական աշխատանքներ, միջազգային կառույցներին դիմումներ են ուղարկվել, սակայն ՀՀ քննչական կոմիտեն այդպես էլ 5 տարվա մեջ չբացահայտեց գործը. այն քննչական կոմիտեում դասվեց չբացահայտված գործերի շարքին: Քրեական գործով 5 տարի անց չկա ո՞չ մեղադրյալ, ո՞չ կասկածյալ եւ ո՞չ էլ հետախուզվող: Ասել է թե՛ քննիչները անգամ չկարողացան բացահայտել իրենց դեկավարին գաղտնալսած անձին, ուստի այստեղ կասկածի տակ է պետք դնել ոչ միայն ՀՀ քննիչների ունակությունը, այլև կասկածներ հայտնել հայրենի իրավապահ համակարգի կարողության մասին:

Ք.ՍԱՆՈՒԿՅԱՆ

● Ըստ ոստիկանության տվյալների՝ սեպտեմբերի 8-ից 11-ը Հայաստանի Հանրապետությունում բացահայտվել է հանցագործության 123 դեպք, որոնցից 4-ը՝ նախկինում կատարված:









Էջը՝ ՄԱՐԻԱՍ ՂԱԶԱՐՅԱՆԻ

**ԶԻՆՃԱՐԱՎՅՈՂՆԵՐ**

**ՀԱՐՑ. Արդյո՞ք ՀՀ ֆաղաֆաղությունից հրաժարվելու դարագայում հնարավոր է խուսափել դաժար դիր գինվորական ծառայությունից:**  
Արտակ Մանուչարյան (51 տարեկան)



**ՊԱՏԱՍԽԱՆ.** Զինվորական հաշվառումից հանվում են օրենքով սահմանված կարգով Հայաստանի Հանրապետության քաղաքացիությունը դադարեցրած անձինք:

Քաղաքացիները պարտավոր են զինվորական հաշվառման, ինչպես նաև պարտադիր զինվորական ծառայության գորակոչվելու համար ներկայանալ իրենց հաշվառման (հաշվառում չունեցողները՝ փաստացի բնակության) վայրի զինվորական կոմիսարիատ: Պարտադիր զինվորական ծառայության գորակոչը հայտարարվելուց հետո բոլոր գորակոչիկները պարտավոր են ծանուցագրում նշված ժամկետում ներկայանալ այն զինվորական կոմիսարիատ, որտեղ նրանք հաշվառված են: Զինվորական ծառայությունից պահեստ արձակված քաղաքացիները պարտավոր են յոթնօրյա ժամկետում ներկայանալ հաշվառման (հաշվառում չունեցողները՝ փաստացի բնակության) վայրի զինվորական կոմիսարիատ՝ զինվորական հաշվառման համար: Հաշվառման (հաշվառում չունեցողները՝ փաստացի բնակության) վայրը փոխելու դեպքում զինապարտները զինվորական հաշվառման կանգնելու համար պարտավոր են ներկայանալ համապատասխան զինվորական կոմիսարիատ՝ հաշվառման (հաշվառում չունեցողները՝ փաստացի բնակության) նոր վայր ժամանելուց հետո՝ յոթնօրյա ժամկետում:

ՀՀ ՊՆ

**«ԺՈՂՈՎՈՒՐԳ».** Զինվորական ծառայության ընթացքում դատապարտված եւ ազատագրված անձերը պարտավոր են պատժի կրումից ազատվելու պահից յոթնօրյա ժամկետում ներկայանալ հաշվառման (հաշվառում չունեցողները՝ փաստացի բնակության) վայրի զինվորական կոմիսարիատ: Զինապարտներն իրենց առողջական վիճակի, ընտանեկան դրության, հաշվառման (հաշվառում չունեցողները՝ փաստացի բնակության) վայրի, կրթության, աշխատավայրի եւ պաշտոնի փոփոխությունների մասին պարտավոր են յոթնօրյա ժամկետում հայտնել հաշվառման (հաշվառում չունեցողները՝ փաստացի բնակության) վայրի զինվորական կոմիսարիատ:

**ԿԱՐԳ**

**ՀԱՐՑ. Ո՞ր դեղում կարող եմ դիմել ֆինանսական համակարգի հաճախարհն եւ ինչքա՞ն գումար դեֆ է վճարեմ դրա համար:**  
Անուշ Ստեփանյան (33 տարեկան)




**ՊԱՏԱՍԽԱՆ.** Եթե դուք ֆիզիկական անձ եք, այդ թվում՝ երաշխավոր կամ գրավատու, կամ Հաշտարարին դիմելու պահին հանդիսանում եք միկրո-ձեռնարկատիրության սուբյեկտ հանդիսացող իրավաբանական անձ կամ անհատ ձեռնարկատեր եւ օգտվել եք ֆինանսական կազմակերպությունների ծառայություններից կամ դիմել եք դրանցից օգտվելու համար եւ արդյունքում ունեք բողոք-պահանջ ֆինանսական կազմակերպության նկատմամբ, ապա կարող եք դիմել ֆինանսական համակարգի հաշտարարի գրասենյակ:

**«ԺՈՂՈՎՈՒՐԳ».** Ֆինանսական համակարգի հաշտարարի ծառայություններն անվճար են:

**ԼՈՒՐ ԿԱՂԻ**

Լուսանկարը՝ համացանցից



Հավայան մեծ կղզում սեպտեմբերի 10-ին ժայթքել է Կիլաուեա հրաբուխը, որից ժայթքող լավան առայժմ հոսում է խառնարանի մերձակա տարածքում: Սա այս տարվա ընթացքում Կիլաուեա հրաբխի արդեն երրորդ ժայթքումն է: Հրաբխի ժայթքմանը նախորդել է ուժեղ սեյսմիկ ակտիվության շրջան: Կիլաուեայի շուրջ թռիչքների վտանգավորության մակարդակը նարնջագույնից բարձրացվել է կարմիրի: Կիլաուեան աշխարհի ամենակտիվ հրաբուխներից մեկն է: 2019թ.-ին հրաբխի ժայթքման պատճառով հարյուրավոր տներ եւ ձեռնարկություններ էին ավերվել:

**ԲԱԺԱՆՈՐԴԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել

«Հայմամուլ» ՓԲԸ  
հեռ. 45-82-00, 45-19-11

«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:



Զեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



☀	Շիրակ	+ 5 + 9 +15 + 18	☀	Արարատ	+13 + 16 +20 + 23
☀	Կոտայքի լեռներ	+ 5 + 8 +15 + 17	☀	Արմավիր	+11 + 15 +30 + 23
☀	Կոտայքի նախալեռներ	+10 + 14 +18 + 22	☀	Վայոց ձորի լեռներ	+ 8 + 12 +16 + 20
☀	Գեղարքունիք	+ 5 + 8 +15 + 18	☀	Վայոց ձորի նախալեռներ	+11 + 15 +20 + 23
☀	Լոռի	+ 5 + 10 +14 + 17	☀	Սյունիքի հովիտներ	+12 + 15 +18 + 22
☀	Տավուշ	+ 8 + 12 +16 + 20	☀	Սյունիքի նախալեռներ	+ 6 + 9 +13 + 16
☀	Արագածոտնի լեռներ	+ 3 + 6 +15 + 18	☀	ԼՂՀ	+11 + 15 +18 + 22
☀	Արագածոտնի նախալեռներ	+10 + 14 +18 + 23	☀	Երեւան	+17 + 19 +22 + 24

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22<sup>ա</sup>/3, հեռ.՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 11.9.2023

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում  
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: